

搵个世外桃园欢聚

新春假期,最适合约上三五好友,搵个好地方放飞一下!位于广州最北端从化吕田镇莲麻村,正是绝佳之选。近年但积极改造文旅设施,依家已升级为广州郊区热门自驾游胜地,除咗自然风光宜人,更有历史博物馆、酒坊、民宿等值得打卡嘅好去处,堪称广州最北嘅世外桃源。

郭玮/文 黄译萱/图



寻红色印记

莲麻村放飞之旅,可从黄山坑革命旧址纪念馆启程。馆内展陈东江纵队从化大队为中华民族解放事业浴血奋战光辉历程,一幅幅催人泪下嘅图文,诉说那段艰苦而光荣嘅奋斗史;橱窗里嘅珍贵历史文物虽已斑驳残破,但每一处都镌刻住战士们无畏牺牲嘅决心。馆内特别设置咗场景还原雕像,静静凝望佢哋,耳边伴着现场朗诵嘅革命故事,当年峥嵘岁月仿佛跃然眼前。英雄们为国家、民族艰苦奋斗嘅精神,永远激励着后人,铭记历史、珍爱和平,亦是新一代青年必须坚守嘅信念。从一段庄重新血嘅历史开启旅程,更令人精神抖擞、充满活力。




叹悠闲自在

莲麻村自然风光秀丽,四周群山连绵,空气清新,气温比市区偏低。呢度以酒酿出名,每隔几户人家就有酒坊飘出诱人酒香。大部分酒坊欢迎客人游览打卡,大酒缸、饮酒用嘅竹椅、劝酒旗布、古法酿酒壁画,处处透着古朴韵味。斟一小杯坐落院子里小酌,初春嘅寒气瞬间驱散,晒住阳光成身暖笠笠。唔好酒嘅朋友,亦可以拣一间带花园嘅民宿hea下——小木亭里歇脚倾计,人工小湖有天鹅戏水,精心布置嘅小庭院格外出片。花香鸟叫令人身心舒缓,偶尔路过嘅嘍家犬小猫,更添几分惬意,心情随之明朗。



享天然美味

嚟到莲麻村,一定要试下农家乐。从化偏北,昼夜温差大,经霜打过嘅蔬菜格外爽脆鲜甜;自家晒嘅菜干煲汤,无油又鲜香;客家酿豆腐将豆香同肉香完美融合,微微煎香嘅表面正係灵魂所在;鲜笋炒肉片里,青菜比肉更抢眼,爽脆无渣嘅笋片令人越食越上瘾,比起肉嘅满足感,那份清脆质感更令人返寻味;走地鸡用最简单嘅清蒸做法,就足够滋味,嚼劲十足嘅鸡肉让人回味无穷……肉足饭饱后到周边散散步,啄小农棚、艺术墙前打个卡,城市烦恼彻底抛诸脑后,彻底放飞自我。



大湾鸡萌动新春

新春“顶流”提前锁定靓爆镜嘅“大湾鸡”,快啲跟住可乐君来捉“鸡”啦!广州杂技团接手“大湾鸡”皮套登场,十八般武艺傍身,抢镜指数全面升呢,仲被大家亲切昵称为“鸡杂团”。临近新年,佢哋全“鸡”团体出击,带住大家打卡大湾区靓景,仲精心排练咗杂技童话剧,陪街坊齐齐过大年!

黄译萱/文 黄译萱、广州杂技团/图



“鸡杂团”招数升呢

可乐君特意拣个周末,约埋“大湾鸡”嘅海心沙讨教抢镜绝招,一见面就被佢哋嘅惊艳到!喜洋洋天大笑够得咸、飞天跳超轻盈,乐融融骨下腰好犀利,每个动作都萌爆全场,引来阵阵欢呼。自从广州杂技团新苗班嘅后生仔接手“大湾鸡”皮套,呢班年轻人就将十八般武艺融入演绎,让每一只“大湾鸡”都有专属特色,助力“大湾鸡”持续出圈。而家“大湾鸡”嘅网友眼中嘅特别嘅“花名册”:跳芭蕾嘅“芭蕾舞鸡”、打功夫嘅“叶问鸡”、凭可爱身材走红嘅“黄金比例鸡”、因坐烂凳仔出圈嘅“闯祸鸡”……一举一动、一颦一笑都圈粉无数。杂技团嘅“内胆”们更将独门功夫融入表演,大家可以睇到嘅排练花絮入面,蹬人、顶碗、抖杠等杂技绝招轮番上阵,将传统杂技变得萌趣又生动。未来佢哋仲会玩出咩新花臣?大家都好期待!



“大湾鸡”靓出广东

从年初开始,“大湾鸡”就忙到飞起,成咗名副其实嘅“走地鸡”,不时闪现大湾区各个角落,粉丝们都趁住佢哋出巡,争相捕捉、偶遇呢班大湾区“顶流”。元旦期间,佢哋更是奔赴多地、四围宠粉;现身白云山摩星岭陪大家迎接新年第一缕阳光,闪现周深香港演唱会陪歌迷跨年,又赶去粤港澳大湾区女子半程马拉松赛道为选手加油打气……无论係广州塔顶,定係珠江游船,都随时可能偶遇憨态可掬嘅“大湾鸡”。佢哋从全运会嘅“销冠”,变身大湾区靓景推荐官,四围遛弯嘅身影成咗广州最鲜活嘅文化名片。而荣升“城市推广大使”嘅“大湾鸡”,仲频频出差;打卡哈尔滨冰雪大世界、逛呼和浩特老街、现身贵州“村超”赛场,每次现身都收获大批粉丝,萌趣形象打破地域界限,将湾区文化同城市精神传递全国!



“杂技鸡”萌动童话

新春期间,“大湾鸡”会为羊城街坊送上重磅贺岁大礼!杂技童话剧《萌动奇迹》将在新春期间登陆广州大剧院。呢个童心爆棚嘅原创童话故事入面,“大湾鸡”化身主角惊喜登场,舞台之上,天真勇敢嘅喜洋洋同乐融融真正“活”起来,通过跳跃、翻腾、现场互动等精彩表演,带大家勇闯被封印、色彩尽失嘅童话世界,以纯净童心同无畏勇气突破黑暗,重启美丽童话。编剧王濤老师表示,希望每个来睇剧嘅朋友,都能搵返属于自己嘅童心。春节本就係辞旧迎新嘅时节,不妨同家人好友一齐走进剧场,啄童话故事入面找回内心嘅纯净与活力,以崭新嘅勇气迎接新一年嘅挑战!

